

三
松
堂
集

三松堂集卷八

始辛亥春
至壬子夏

吳縣潘奕雋榕臬

雨窗對酒二首寄東畬

城東一迂士未老歸田園歸來何所事萬事耳不聞惟
餘事二者自謂差關身有山過輒遊有酒遇輒醺遊以
暢吾懷醺以返吾真一醉度支印三見金閫春偶從芝
巖遊五宿上白雲時與二雅飲樂圃逮日曛沈沈絃管
夕澹澹風花晨恒期今已往遊飲無隔旬自從首夏來
苦雨掩重門對酒忽停觴因憶平生人逝者不可作生
者今幾存遠者不可招近者胡弗親水芝館有梧梧下

賓榻陳話雨樓有竹竹外煙景新我懶既不往子來復
逡巡迢迢限重闔望望勞心神城濠漲正高村店醅亦
醇安得此雨中相對傾一尊

昔君遊京師我亦官於閣茶山尚書第過從事如昨後
君宦之蜀我有送行作謂言耐久朋莫負青山約秋風

白帝雲春雨豐臺萼蹉跎二十年歲月真電爍相逢各
華顛勇退同解縛南陔君潔膳東郭我行藥如騁脫韁

馬似放冲霄鶴私心竊自幸幸踐平生諾登山或扶攜

逢酒互獻酢玉蘭引畫船香雪移芒屨

虎邱千頃雲玉
蘭花最盛香雪

海鄧尉山中梅
花最盛處也

已拋身外事不許心頭灼但願掌中杯

共坐花間嚼俗士笑支離高情甘漢落寸進嗤苟營尋
直各無作杜康古達人爲餉閒中樂老思萬事慵悟覺
羣妄廓晨雞不我欺風雨依簾幙膠膠復瀟瀟且盡杯
中酌

邱醒蘭給諫營葬歸里枉過小齋

握手升沈共白鬚新詩吟罷一嗟吁可堪暮齒長年別
太息勞生百事迂金液玉廬君自保

君善養生導引術
去年遘疾不藥而

愈寸田尺宅我全蕪相逢已負探梅約且鱸秋風雪色

鱸

東華委佩記隨肩况復情親廿九年燕市晨星瞻落落

丹山雛鳳羨翩翩豪簪柏府霜凝簡表立瀧岡樹鬱阡
只恐鳴騶催上道江鄉可許儘留連

題喬墨莊竹刻印譜兼以寄懷

篆法誰矜獨江東得墨莊費甯煩紙筆值欲抵琳琅詩
畫兼餘事斯冰並擅場承家有驥子學亦究三倉
作者三吳重文彭與顧荅斯文非小道老腕自通靈屈
曲蟠龍勢紛披倒薤形蕭齋梅雨裏遙想一燈青

李滄雲給諫過訪山齋用贈醒蘭同年詩韻奉

柬

官高猶未白髭鬚把袂相看祇自吁別久但嗟雲路遠

歸遲頗訝水程迂君言故里新知少我愧閒身舊學蕪
暑雨漸闌秋正好鄉心能不戀蓴鱸

暫辭清禁息吟肩僕指樞廷二十年桃蔭門前方藹藹

鳳毛階下早翩翩歸帆自訂黃門集

君與醒蘭聯檣封
南下唱和甚夥

鬣咸瞻京兆阡君歸營葬莫笑故人耽寂寞刺船正擬訪成

連

松下清齋圖爲陸孝廉謹庭

松下清齋松偃牆齋清風靜墨花香何人放筆揮東絹
有客科頭坐石牀露滴衣巾寒月朗濤翻几簟夏雲涼
采蘭歸去濃陰滿試聽高枝鶴韻長

滄雲見酬鄙作兼示相憶昔詠感歎不足次和

原韻二首

聽漏同趨直聯茵憶坐曹交親同臭味筆健有風濤遠
札長江鯉新篇金錯刀清思兼古誼落落與雲高
脫綬頗懷侶吟詩荷念曹巢痕依海燕夜夢隔江濤寂
寞綦憑几躊躇了善刀惟君知拙懶不是慕名高

贈秀水譚芳谷

著作人何處

著作堂爲祭酒
貞默公舊第

諸孫文采存司成緬遺澤

角里重清門舊夢縈煙雨

煙雨樓余不到廿餘年矣

新篇佩芷蓀

芳谷

示新詩詣
日益進

青瑣餘味在暇擬一尊論

閒興

名念靜投絃機心謝息輟學書專取澹索句怕妨閒琴
裏泉流石屏間雨過山守中新得訣經月不開關

白蓮

直榦亭亭出水深生來泥滓不能侵難將本色娛時眼
自有微香契佛心紫府真人雲作佩花宮仙子玉爲簪
從渠賞徧紅衣好未滌塵襟未許吟

吳古堂孝廉柳外曉風圖

一天涼露柳風微柳外人家霧掩扉莫道途中好景少

前村桃李正芳菲

時需次教諭里居

長隄策蹇聳吟肩半落星河欲曙天待寫新詞填舊譜
紅牙不唱柳屯田

袁簡齋生輓詩

塵世多新鬼天星望老人德機知久杜方術那能神自
說無生話長留不壞身海山花院鎖白傅未歸真

聞說陶宏景瞳神近漸方仙班虛碧落天意護靈光應
待玉棺下還嫌上界忙輓詞同祝嘏用以侑霞觴

消暑八詠和袁簡齋

辭客

閒門無剝啄息影謝塵緣梧院暑方午竹窗涼自眠屏

看山過雨琴聽石流泉此味何人領難邀世外仙

補竹

疏影覆方池移來竹數枝清風環枕簟綠意上鬚眉鳥
語客初去日斜人未知碧鮮良可賦吟嘯坐忘疲

曝書

三伏乘朝爽閒庭散舊編如遊千載上與結半生緣讀
喜年非耄題驚歲又遷呼兒勤檢點家世只青氈

把釣

臨淵非有羨把釣亦何求形影憐雙鬢兒童笑直鉤鷺
洲新月上荷港好風留一壑吾將老魚經細枝鸞

條硯

拂拭晨窗硯提攜更濯波誰能如汝壽未免受人磨舊
冢堆千管新泉試一螺書成聊自賞不擬換羣鵝

待月

玉宇清宵迴涼蟾出海遲停琴聊命酒滅燭且敲詩浩
浩銀河瀉離離珠斗移如盤看漸湧未肯下軒墀

避蚊

白鳥方爲患紗幘未許開似遊極樂國儼築避風臺跡
陋潛如鬼聲憎聚若雷蕭閒頗有地笑爾不能來

采蓮

采采下蓮塘，隨園野興長。
遙憐疎鬢影，分得裏湖涼。
露滴襟還溼，船迴水亦香。
涉江誰可贈，吾欲集爲裳。

甫里祠作

登山動古懷，前輩不可作。
散人寄江湖，跡或似脫略。
當其應舉時，意豈在林壑。
及乎饒州歸，決念謝朝爵。
薄田躬畚鍤，歲潦苦無穫。
惟與鹿門子，吟唱娛寂寞。
李蔚彼何人，欲以微官縛。
至今臨頓里，清風緬如昨。
勝地跡已迷，壞砌無翹鶴。
徒然誦佳句，愴悅眺城郭。
後裔念舊德，相地名山度。
山前七里塘，塘外新祠拓。
廊廡旣結構，池館亦疏鑿。
我來拜祠下，塵慮一以廓。
愧乏杞菊羞，敢奠

行潦酌斜日下
祠門涼風墮蓮萼

袁月渚招飲柏庭方丈和喬墨莊韻

地是城心境轉幽

吳語謂城中
夾爲城心

庭空柏翠與雲流
閒房

喜下詩人榻

喬時新
寓柏庭

小戶難分酒客籌
月好上輪昨夜

早桂香濃似去年
秋相期更蠟鍾
吾屐紅葉林間坐
獻

酬

送李滄雲給諫還朝用東坡送劉景文韻兼柬

山東沈青齋觀察

風清霜鷲雲中呼
綿蠻一鳥吟
邱隅秋林送別不忍別
欲訂後會期猶無君
行服除入青瑣珥
筆接武文寬夫

謂雲巖相公

我署頭銜號散人但願身健把犁扶春庚秋蟬
自鳴止無益枉使霜盈鬚舊遊廿年一夢耳荒江獨唱
憐愚迂君家父子洵與軾品望今日眉山蘇瀕行索詩
無俊語空詠何告懷彼姝計程九月達濟北南池月好
應憶吾休文把袂爲致訊有句莫惜傳江湖

風帆

歷盡津塗到岸邊平生雲水結深緣低收曲港非無路
飽挂長江得幾年何處歸心懸暮雨有人袖手立寒煙

篙師破浪成虛願菰葉蘆根要穩眠

吳語謂例檣曰眠桅

竹柏圖爲袁節母韓孺人題

圖爲錢籛石侍郎作

三才集 卷八
危樓清延風翠竹勁含淚莫道霜鷗寒雛鳳看呈瑞
修影月蕭蕭孤根雪不彫孫枝新沐雨一夜欲凌霄

右竹

叢篁自有筠古柏自有心虬枝撐雨勁黛色參雲深侍
郎老腕健筆挾風雷音千春香葉底恍聽孤鸞吟

右柏

九月八日郭匏雅學正邀同孫竹尹宋奕巖陸
默齋泛舟山塘余以往石湖未赴次日竹尹
作詩以重陽登高四字爲韻如數和答

秋光招客上層峰探借佳辰策短筇風壑快聞聯舊雨

劔池側風壑雲泉四
字相傳米元章題

草堂漫擬訪遺蹤

今石湖草堂
非故址矣

閒

來筋力身還健老去詩篇律轉鬆可惜同心不同賞白
隄回首翠煙重

側想清遊步夕陽茱萸枝老菊花黃星文知聚千人坐
鸞嘯應聞七里塘可許新詞歌權女定將好句質鐙王
酒闌莫便循歸路無雨無風夜正良

梅花樓憶昨朝登

前五日余與弟雲浦來遊坐梅花樓三泉亭觀覽竟日抵暮乃返

曲

檻危闌次第憑放眼懶看雲似狗當壚喜有酒如澠渡
頭波遠風飄笛沙尾船迴樹隱燈此景不歸能領否宦
情甯戀醞三升

仙舟點筆盡風騷貂續何堪附檜曹人事番番隨逝水

天涯落落幾同袍朋非交面何妨晚

余神交竹尹近始識面

論到

傾心不厭高北郭祇今吟社冷要從樵李借詩豪

謂竹尹

鶴竹二咏爲陸貞母宋宜人作

有鶴來青田獨立霜比潔辛勤哺其雛健翮凌風掣孤
雛毛羽豐獨鶴心力竭謂言期千齡委化何訣絕返哺
瞻林烏惻愴復嗚咽何年華表歸歲月驚雷警

有竹挺苦節結根堅以貞烈風不能摧哀鸞時或鳴上
有慈雲護下見孫枝生枝枝拂煙霄節節中咸英孫枝
日以繁孤幹難重榮物理盡如此哀感何由平至今北

堂上霜月留餘清

題任香雨松泉圖

綠釵滴露響蕭騷
謾謾風襟鶴與高
讀罷黃庭閒步遠
一天涼韻落雲濤

物外閒情迥絕塵
勞生汨汨笑逡巡
茅齋擬仿圖中景
割取清泉結淨因

未向圖中認彥昇
柴門聞說對秋塍
只愁他日扁舟訪
生客敲門定不應

贈方坳堂同年觀察兼柬劉芷林給諫

卿雲移蔭闔閭城
喜聽軍門鼓角聲
南國兒童迎豸繡

西江士女戀蜺旌

劫堂自饒州守奉命觀察吳中

坐看通境民風轉

要使全吳吏牘清

中丞長公調審積案次第按部清理

莫憶故山靳霖雨

菰蒲一我亦蒼生

劫堂寄芷林詩有蒼生霖雨非吾事悔作天邊出岫雲之句故云

簪毫聯珮憶

鑿坡斂退慚余鬢欲皤試數同年京國

少

壬午同年在京者惟蔗林尙書雲椒侍郎稷堂閣學秋室宮贊數人而已

向時名士濟南

多

芷林亦先生同鄉人

繡衣邇海重持節

芷林前復奉

命巡視天津漕

務

茅屋迎秋慣補蘿

余自戊申十月歸里今三年矣

勳業隆平公等在

儘容拙者臥雲窩

劫堂觀察招飲觀劇卽席口占

此心出處貴堅持只怕魔多見佛遲高坐蓮臺羣焰息

當筵隱語耐深思

演西遊記火焰山
收服紅孩兒事

濟公遺事類顛蠢靈隱山門對浙江會得禪家堅定意

虎威狐媚一齊降

演濟顛僧伏
虎醒妓事

金二雅禊遊圖集蘭亭敘字

此日可以樂風和時又春禊敘仰昔遊觴詠娛今人竹
氣暢幽寄蘭言契靜因虛懷隨所遇異抱當同陳
俯仰歲若流林亭目暫騁遊絲天宇清觀化樂日永內
朗已斯得情躁妄或引因知欣與悲一一在自領
昔賢抱殊致虛己天與遊羣類品豈齊靜躁信異流同
時若述者相左固有由未知今世人斯懷能喻不

集古因有作欣然坐長林趣舍世雖殊言同文可臨閒
情攬在昔幽興暢自今無爲生嗟感遺迹懷山陰

方坳堂靈臺觀瀑圖

靈臺回首白雲深百尺飛泉界碧岑莫道故山離別久
出山心是在山心

大抵繁華汨性真要從岑寂鍊精神懸流挂壁松蟠澗
長白齋鹽憶古人

方坳堂探梅圖

廿年塵海夢西湖鴻爪春泥指畫圖今日滄浪亭上坐
幽香可以卷中無

且看江南萬樹梅，衝寒山意臘前催。定知新歲春風早，不到春分便盛開。

爲吳竹堂同年題江村旅况圖

圖爲陳堯峰煥作，圖後有詞條。

夷使作

拍岸江潮暮雨寒，離懷重疊淚沈瀾。分明一曲風光好，撥盡琵琶憶若蘭。

堯峰妙筆態橫生，爲埽鵝溪繪別情。可惜當時好事者，新詞傳得不題名。

謝湖草堂圖

明錢穀爲袁尙之寫，後有彭年記。

青山潑黛波搖綠，行春橋上楞伽足。石湖渺瀰謝湖連。

中有幽人寄遐躅湖陽一堂當翠微編籬種竹開荆扉
菰蒲繞舍游魚樂楊柳垂簷白鷺飛苔階春到香風暖
薜戶秋深明月滿入城不奉子公書枕煙頗似盧鴻館
清福人間未可求草堂吟嘯真優悠浮雲富貴何須問
菰雪蘆煙可釣遊君平身世兩相棄一時肥遯多同志
磬室圖成畫裏身隆池記寫心中事梯榮當日豈無門
丈夫身不輕受恩鳴鳩巧黠鳩難信養室那得延芳蓀
星移物換雲煙在逸韻流傳翰墨貴平世圖書自可娛
清門文采期無媿得失難蟲感慨多等閒歲月付消磨
昨朝倚棹湖邊久但見閒鷗占白波

汪愛廬先生二耕堂前薜荔芳蘭幽意滿日門
人金忠萃爲作二賦裝成長卷命余題後

薜荔何心綠蔭牆幽蘭幽處自生香先生吟罷門生詠
鼓瑟聲中味正長

東龔同年匏伯舟次

討春我擬向金牛挂席君偏指石頭泥滑夜深難過訪
連江寒雨只添愁

閒坐偶吟

浮生如客況衰年忍復臨危再著鞭不病須知由病病
入元要識又元元田園官祿非吾事衣食妻孥亦外緣

小憩閒窗人籟寂一聲啼鳥最清圓

行素家叔贈詩和韻二首

閱盡榮枯各灑然肯將暮景逐時賢相看白髮三千丈
試數前塵四十年金穴眼前誰是主名山身後幾人傳
竹林但覺春遊好未許閒愁到酒邊

抽身人海意翛然退士何心慕古賢綬解粉闈纔五紀
花看香雪又三年委懷夙好應難棄脫手新吟或可傳
一枕午窗塵夢醒坐看飛絮研池邊

雨窗靜坐疊用前韻

梧窗竟日雨瀟然賓退時還中聖賢入世本無龜手藥

抱山要盡曲轅年泉看珠韞波留折指識薪窮火自傳
天籟不聞塵念埽玉池甜味徹中邊

族叔澹菴來自歙州小酌荒齋敘往言懷因成

六絕

一棹婁江湖昔緣素心相對理冰絃琴聲竹色依然好
彈指驚心廿五年

宗黨論心略輩行交情兩世意偏長山邱華屋同增慨
小阮而今鬢已蒼

歸田彌勒與同龕宦海津涯味頗諳博克飛雲菩薩頂

剩將奇景佐閒談

博克達坂木蘭行圍地名飛雲巖巖中勝景菩薩頂五臺山最高處也

蒲團廢茗記吾曾可惜雲梯不共登
蒲團石在文殊院百步雲梯下余丙申年廢茗坐此布韞青鞵身健在深秋果否理行勝

轉眼尊前跡又陳莫談往事損心神尖山海色西湖柳
且鬪人間現在身
時有結伴遊尖山西湖之約

黃雞白筍勸加餐苦說中年聚首難十幅蒲帆來往易
釣臺煙水路漫漫

滄浪亭和張芝岡廣文韻

城南一阜翠盤空勝地登臨勝侶同卽事賞心成美景
快晴長日有和風肯將閒慮撻沖抱欲以清遊蕩鬱衷
莫道林間春事晚桃花人面正爭紅

往跡蒼茫不可尋
水軒虛敞竹亭深
新詩美酒懷前輩
明月清風留淨音
新詩美酒聊窮年
清風明月本無價
可惜祇買四萬錢
歐陽公詠子美滄浪亭
得喪無端真是妄
榮枯如夢古猶今
多君物外能遐覽
獨向滄浪寄靜吟

王西林秀才覆舟丁堰作歌紀事詩以和之

破浪乘風抱未開
年年空賦涉江來
琴高赤鯉騎能慣
不信陽侯解愛才

入坎安危信不常
乘蓮畫羽語荒唐
布帆無恙人安穩
引得新詩出肺腸

吸盡西江氣轉遶
蛟宮貝闕詫奇遊
知君詩盡人間興

妙想還從象罔求

白桃花和張芷原

擺脫繁紅散靜襟一枝香雪稱幽吟肯邀綺陌尋芳眼
頗愜仙家見素心偷竇東方嗟歲晚窺琴卓女怨春深
漁郎自返沿溪棹色相都空感至今

四月中澣偕汪蓮亭遊師子林晤黃小迂二十

二韻

名園奧曠兼妙具諸峰嶺倪迂偶遊戲結撰役頑礪春
去客已稀我心賞其靜長松偃盤陀步步引延頸陽岡
盪層巒陰竇孕潛溟出背欣披雲入腹疑墮井後行初

循坡前登已松頂咫尺辨川原高下異晴冥憶昔行黔

南怪險覽殊境飛雲

洞名

與相見

坡名

目眩步敢騁豈知老

歸田縮本覩此景天工彼固奇人巧此逾警石林聳危
亭小憩啜新茗東西客心迷遠近吾意逞峭嶮青葱間
佳處要全領却羨園主人塵中得幽屏蟠胸邱壑深隔
院鐘魚冷爲言雪月時耳目更清迥因知此中趣喧者
或未省同遊獲同心談深忘日永修廊俯晴波斜暉倒
樓影從此愜幽尋造門甯待請

送宋奕巖赴補入京

退士耽守素蓋臣念報恩豈徒資祿養要在康黎元

國初世系表相業昭乾坤元成集餘慶健馮凌霄翻九
年侍金閨十載鎮大藩萱庭春正永未許棲邱樊此行
對溫室披膈陳本根北門管鑰重佇見馮熊轡聞風墨
吏免望歲疲民存察屬大僚責濟時吾道尊雲怡有遺
訓冀與同志論迢迢緬前修藹藹瞻行軒旌紅林際遠
雲白巖中屯臨歧何所贈莫負平生言

胡菊村得硯繪圖索詩

筆壽以日計墨壽以月計惟硯壽無窮不能計其歲問
其何以然靜者心默契菊村屏城西嗜好異於世敦敦
几案間墨汁染衣袂平生不玩物愛此可遊藝方巖見

古心溫潤異時製翳余塵鞅縛斂退墓已誓殘碑讀嶧
山肥本臨修禊多好竟何成枉使精神做逝將學君苗
焚硯庶靜憩羨君腕通靈揮灑神無滯閉戶訂石交餘
事置瑣細鍾張嗟已遠顏柳幸得替柴門秋水深仄徑
幽花麗展卷企高懷白雲渺天際

明妃曲

見畫何如見面真誰將此柄授貪人長門多少無金者
豈但我琵琶怨苦辛

五月二日山塘訪友不值陸豫齋留飲四美樓
觀競渡歸途得詩三首

三才集卷之二
荆州故事盛蘇州閭左相邀作勝遊訪客未妨從獵較
緣陰濃處做高樓

暖風晴日繡旂開簫鼓中流去復迴莫訝客來今不速

此來却勝兩年來

庚戌辛亥豫齋兩次招
觀競渡皆遇風雨敗興

畫船夾岸柳陰斜曼綠嬌紅艷晚霞却笑書生偏愛寂
更從花戶去看花

張拜石蒲團靜坐圖

讀書與靜坐一日各居半所以收放心儒墨本同貫俗
士強分別遂若膺背判紛紛世網攔誰與解其絆釋子
居深山跡與塵緣斷靜中不自勝坐馳更夢亂豈知如

如心超境兩無扞平生婚宦淡萬事何足算無須聽鐘
魚亦不師可粲悠然一室中跌坐默澄觀嗟余世味薄
但把黃庭玩息踵胎未成守雌卵或暇夜氣偶然存凡
骨何由換是身如芭蕉披卷轉增惋羨君梨棗熟冀我
醍醐灌旨哉藥珠言出入二氣煥

張端峰淮陰挂帆圖

名謬海鹽人乾隆己酉庚戌開鄉會萬壽恩科以

年逾八十 賜舉人翰林院檢討銜

斜日輕帆遠靄明白頭真見弟兄情遙知後夜蓬窗夢

尙記松廳聽雨聲

端峰弟官于淮安留寓官齋作是圖也

破浪平生信有才果然風利到蓬萊虛舟今是收帆客

臥聽春潮枕上來

吳頭楚尾幾經過
漂母祠前夕照多
今日虛堂看畫卷
又牽殘夢渡黃河

兩窗讀漱霞亭詩寄懷汪初菴水部

閔旱得微雨
虛堂生晚涼
故人貽新詩
珍重侔琳琅
一詠散煩暑
長吟寬愁腸
翹首天都峰
道里阻且長
却憶東華居
下直同迴翔
宵談壺轉漏
晝飲蟻浮觴
高懷厭承明
野性便滄浪
勇退欣合志
離懷悵各方
衡門掩兩版
沉默窺縹緗
竹影靜裴几
桐花落長廊
非君能好我
誰以瑤華將
申章報蘭言
人要期無忘

鍵戶

鍵戶絕塵想開函發古香門前方日午竹下有風涼寂

寂從人笑懂懂祇自傷真詮遺冊在何處訪寥陽

真詮二卷

葆真子陽道生所贈元同子者自云道生受諸太虛太虛受諸寥陽所言皆養生修性之旨吾鄉彭訪濂先生刊以行世實爲入道正宗

寒碧莊十二峰圖爲劉蓉峰觀察

奎宿峰

書堂異石應星文冠頂飛來縹緲雲要與傳經誌奇瑞

奎光夜夜映香芸

玉女峰

凌波彷彿珮聲遲
霧鬢風鬢世外姿
擬借湖亭來避暑
拈毫先賦影娥池

箬帽峰

從來強項驚凡眼
不必低頭效苦吟
識得丈人心是石
肯將箬笠換華簪

青芝峰

可是東園角里遺
肉芝何似石芝奇
仙家服食能知否
試問蘭陵蕭靜之

累黍峰

累處直疑從黍谷
移來或恐是愚公
還須更乞麻姑手

撒與茅檐聊禦窮

一雲峰

一雲山下卸春帆
嵐翠湖光記滿衫
道是此峰纔半角
却疑徑轉到靈巖

月印峰

我欲乘風到廣寒
瓊樓矯首路漫漫
何當秋月如珪夜
來看瑤峰上玉盤

獼猴峰

禪心試向六窗看
似戒飛騰學靜觀
莫厭此君太頑鈍
四三朝暮怕相謾

雞冠峰

縱不能言未可烹此生久矣倦飛鳴祇應喚取窠中叟
同聽瀟瀟風雨聲

拂袖峰

介石心原不染塵餐霞幾歲學修真浮邱把袂還招手
同調應呼澹蕩人

仙掌峰

勝蹟當年擘巨靈誰分嶽色到閒庭天瓢可酌憑君酌
定有三霄玉液零

干霄峰

夏天濃翠落衣涼未覺捎雲竹影長聞說桐杉甘露滿
共傳一品屬元章

三松堂集卷九

始王子夏
至甲寅春

吳縣潘奕雋榕皋

柏庭方丈古柏歌

琳宮三伏清無暑我來柏庭尋道侶一株最古導我看
香葉如鸞韻諧呂問誰手植云周郎千五百歲凌冰霜
坼枝似遭雷斧劈空腹疑有妖魑藏煙含姿兮風助冷
月凝輝兮雲漾影託根此日傍神靈攬秀何人弔淒耿
廣庭天籟飄泠泠騰蚪天矯擎青冥當年顧曲想閒暇
散步披襟時一聆根槩不畏蛇蟲蝕材大不願工師得
難辭廟祝笑支離

向南一枝爲昔
日住持斫去

自有詩仙賞奇特

月清

言舊時題詠俱已毀
廢今邀同人補題
蒼皮溜雨色參天
忽憶孔明祠宇
前愧無杜老驚人語
匹美成都古柏篇

過二梧弟荷蘭盛放折贈二枝因賦

一簾花氣擁詩人
喜趁閒身結靜因
領取阿連投贈意
軍持斜倚露華新

羅幃凌波意靜閒
洛川彷彿盼和顏
老夫已入東林社
不向花房覓玉環

秋風香到美人心
渺渺余懷湘水深
擬寫一枝頻顧影
鉤簾先與奏瑤琴

聯枝臭味本無差
相對惟應誦楚辭
初佩集裳慚報缺

但拈幽韻寫芳姿

畫梅自題

客從庾嶺來贈此一枝雪莫怕春風寒道人心是鐵

七夕用義山韻

織雲漠漠斗離離兒女關心是此期縱使仙家能不老
那堪別恨動經時靈禽解意橋初就銀箭無緣漏肯遲
莫盼金梭談往事艷情銷盡鬢邊絲

盆中白蓮

凌波仙子綠雲扶一片光明鏡裏鋪淨攝佛香開世界
遠移客夢到江湖珠凝濃露煙疑化粉墮涼蟾影欲無

底事廬山懷舊隱高齋靜侶未全孤

立崖司馬姬人王氏勤慎和婉能得立崖之心
相隨二十一年生有子成立矣今年六月姬
暴卒立崖悼之因爲歌詩以宣其媵庶立崖
之紓其哀焉

一夜風飄玉井蓮白頭奉倩涕雙懸何堪更聽傷心語
辛苦持家廿一年

塞北天南萬里身歸來三徑樂餘春知君蔗境嘗無盡
難必新人似故人

妙子稠桑不可尋營陵聽鼓信沈沈朝來總帳看虛位

昨夜紗窗伴獨吟

早聞絡秀有賢聲
雛鳳丹山韻更清
莫怪驚呼書咄咄
曾經平視許劉楨

爲周半池題扇頭枇杷

白沙此地稱仙品
便面何人擅寫生
記得山中投贈意
筠籃鮮帶露華傾

范丈恬庵行看子

石鼎烹雲韻最清
樵青兩腋有風生
飯餘吟罷閒無事
坐看茶煙一縷橫

閒拂蒼苔坐石牀
林深客散竹風涼
喜看鳳尾煙霄迴

又見孫枝月影長

由來黃嬾可頤生老去方瞳翦水明
聞說諸孫勤夜課
木樨香裏聽書聲

香林小憩日如年無隱禪機悟眼前
却笑吳剛太拘苦
斫根常守一輪圓

題虎阜勝跡圖

白隄春泛

湖天新霽春風軟青山橋外春光展
樓閣高低樹淺深
綠楊影裏珠簾卷畫舫相邀入畫圖
醉倒正耍蛾眉扶
笑他寒儉煙波叟籜笠斜風傍蔣蒲

可中玩月

落日下遙嶺煙嵐無定姿蟾光海底升倏忽印劒池冷
冷夜氣清形影相娛嬉梵放出殿角佛燈明樹枝姮娥
不厭客漏盡還相隨清遊憶如昨恨少圖兼詩誰知尺
幅中今日更遇之巖前風壑靜亭下林影移始信徵逐
場自有清涼時寄言塵中客役無乃疲

舅氏汪愛廬先生輓詩

老屋楓江上書堂古寺邊一星處士朗半夜壑舟遷升
屋悲遺蛻彈琴痛逝川舊遊如夢杳往事到心偏外氏
門才盛先生學行堅宮牆曾緩步邱索早精研少歲詞

華擅中年著述專九師祛舊解七錄抉真詮桂掩尋芳
日瑜沈采玉年名場頻坦率世路歎屯邇薄俗儒爲戲

孤蹤佛有緣六時珠百八丈室界三千臭味彭尺兼李

浩江磁鍼王西與錢竹齒衰安命蹇身困喜名全原子貧

非病崔兒命不延齋惟修法喜占肯問筵尊宅相真慚

舅羈遊憶各天平安憑問訊遲暮想栖禪戊臘農曹假

雲帆日下旋見公猶却杖喜我早歸田謂可几長侍何

期館竟捐十旬稍間闕小疾遽沈綿望望簾銜雀飛飛

鵬集筵草元嗟已矣知白亦徒然好句今誰似鴻文後

孰傳含珠虛酌酒拜幕更呼船幻影三幡靜塵勞五蓋

牽羊曇空有淚和墨灑重泉

乾隆壬子十月余過謹庭孝廉松下清齋出示
秀水錢蔣石侍郎所畫水仙蓋謹庭在京師
時侍郎寫贈張吟薌舍人吟薌以贈謹庭者
今侍郎謝病里居吟薌歸道山已數年矣晴
窗相對旣歎筆墨之妙復感歲月之駛因賦
詩三首吟薌一號瘦銅工詩詞著有竹葉庵

集二十卷

天風環珮水雲涼

往與侍郎論畫云見松雪翁水仙畫
蘭花有天風環珮不可摹擬之妙

筆通靈老侍郎聞道秀州今健在南湖煙雨夢微茫

籠燈讀書過橫街街鼓沉沉坐小齋

吟菴寓橫街官菜園謹庭與之論畫

談詩常至夜分不倦

珍重故人持贈意空餘翰墨感吾儕

松下清齋又小春知君振觸記前塵吟來好句真如畫

妙墨名香有一人

謹庭作松下清齋圖吟菴題詩有妙墨名香有一人之句覃溪學士歎爲

絕唱今當小春余與謹庭嘗茶展卷風日暉妍恍與詩境相遇云

以詩代柬爲芝巖乞天竹

山莊風物最清嘉曾見離離綴晚霞岑寂歲寒小閣裏

軍持要乞一枝斜

爲秦澹園題其亡姬葛秀英澹香樓詩鈔後

落盡名花剩好詩少游傷逝寫哀辭人間清福難消受

捧硯司香又一時

水晶宮裏兩嬋娟
畫舫清遊八月天
明月六橋秋自好
玉簫重覲是何年

妙兼羊體與嵇心
巧有迴文宛轉吟
岑寂幽闈香夢遠
數行淡墨一張琴

太息琵琶事已非
丹青難挽彩雲飛
仙宮縹緲人何處
冷蘂疏花淡夕暉

范芝巖見示嚴愛亭編修哀詞同賦

春官擢秀領羣英
紫禁垂紳望最清
已爲讀書傾薄產
翻教徇祿戀微名
遣車雪夜曾邀飲
贈扇炎天憶送

三本堂集 卷九 六
行余在京師與愛亭寓僅隔一街同里同年今有幾故
交能不淚縱橫

遊畫眉寺飲畫眉泉有懷徐榆村

言尋雲臥侶不厭入山深竹色淨塵慮泉聲清道心四
圍嵐影合一徑石苔陰何日重攜手臨流聽玉琴

喜王秋樵儀曹見過

喜君今退勇顧我昔情長屈指流年駛驚心兩鬢蒼分
無經世略可有養生方臘酒村頭熟相邀入醉鄉秋樵最善飲

蠟梅盛放偶折一枝以供清玩賦詩賞之

臘月南枝未有花
蜜蜂先已上窗紗
最嫌舊譜遺仙品
却怪宮妝做法家
開閣素心堪晤語
倚闌紅袖似繁華
歲寒緜几薰鑪暖
坐領甜香到日斜

白蓮和韻

體素不矜豔
含芳自遠塵
澄波堪鑑影
皓月與傳神
淨悟觀空旨
香依業白人
惟應招惠遠
結社葆吾真

蓮移自葑

溪僧舍

爲友人題登穹窿山圖

諸布諸嚴記
莫傳鍊丹臺
指蔚藍天
虔祈呼吸眞
通座齋宿原
非爲訪仙

路轉靈巖十里餘，裹糧曾到化人廬。何當小築依丹嶂，
同漱飛泉讀道書。穹窿山去城三十里，路由木瀆經靈巖山下。余于庚戌三宿山中，得攬三

茅峰諸勝

余賦蠟梅詩立崖芝巖雲濤玉松皆有和作復

疊前韻

冷客真宜冷淡花，香融晴旭透窗紗。幽姿不入調羹手，
正色還留臥雪家。銀燭照來忘世味，銅瓶敲處感年華。
知君歲晏知心少，只憶疏枝竹外斜。

除夕大雪

睡足起猶遲，開軒雪滿墀。却寒聊命酒，寄賞只題詩。傲

有松堪對清愁梅未知生涯甘冷淡不用賣歎癡

喜晤王西園侍御

尙記分襟地驚心十五年相看疑昨夢所得各華顛脫
綬初心在循陔樂事偏知余塵慮盡邀飲惠山泉

偕西園遊惠山寺

訪友尋山趁霽天風光妍暖入新年身無官守心無事
陸有籃輿水有船閒拓僧窗看畫卷坐移竹几品春泉
不須更作勞生慨塵世紛紛盡偶然

題惠山寺王孟端漁隱圖卷恭和

御題原韻先是寺藏孟端所畫竹鑑圖爲火所燬因

三才集
卷之
賜是卷

翰墨流傳古未易

恩榮題跋遇尤難重 頌祕笈償僧寶展閱新圖儼舊

觀恍惚煙波來腕底蒼茫風雨入毫端人間漁隱真堪

樂白首何能更戀官

孟端自題詩有白首無成盛年不再之語展卷三復不勝慨然

寄暢園有懷漪園小峴端崖諸君子

修竹嬾娟蔭小亭古梅疏冷浸遙汀檻前流水銷明鏡

牆外春山列畫屏退士乍醒塵海夢勞生恐負草堂靈

何時更與同袍子並坐觀魚倒綠醕

園有軒名觀魚

張橋潘士俊服田疇能吟詠春日偶過其居嘉

其特立贈詩一章庶幾其德之不孤以底於成焉

雪盡喜郊行前村略約橫川融堪浴犢樹暖有啼鶯業可供衣食詩能寫性情因知肥遯者端不慕華纓

題王子乘惜花圖

畫屏低唱陽春曲繡闥風微射晴旭乳燕斜飛絮作團
綠跌紫萼紅心簇美人睡起倚闌干蝦鬚半卷愁輕寒
眉尖有恨何人會折得花枝露未乾香生玉腕羅衫舉
粉蝶尋香迷處所花如人面面如花人自不言花欲語
君不見一片西飛一片東墮茵飄溷隨春風無情歲月

真匆匆明朝葉底餘殘紅

郊行偶作

脫綬年將艾尋山力尙強難逢玉印女肯羨紫薇郎雲
過樹移影風微草遞香蕭然成獨往不是慕隨光

爲方大章寫蘭題後

大章夫人亦能畫蘭

國香何礙老衡門寫出風枝帶露痕倒薤折釵同一訣
小窗試與仲姬論

立崖司馬招同王西泚光祿范芝巖編修陸默

齋舍人集交翠堂芝巖有詩因和其韻兼寄

二雅

繡谷春深淑景偏故人促席許留連壺觴談詠歡今夕

裙屐風流憶去年

去年四月袁簡齋來吳於繡谷集女士爲詩會

抽雨嫩篁初

解蕤醺波新柳欲含煙君看老輩交情古題壁詩存墨

尙鮮

謂時庵侍郎習庵學士諸題詠

閉門春盡雨連朝人過中年壯志消三徑招邀來舊侶

曲欄宛轉啟新寮

立崖新築山亭於堂後極與曠之致

盟聯鷗鷺情逾淡

話到鷓鴣夢已遙剩欲垂虹延病叟一枝柔艣入雲搖

二雅養病初痊不到郡城半年矣

次日默齋招同立崖芝巖匏雅集一枝軒再用

前韻

知足由來樂事偏，故人尊酒喜相連。
雲霄放眼無餘子，風雨論心近卅年。
修竹嫵娟看引露，蒼松盤屈自凌煙。
丹山飲啄真閒適，況復新雛振采鮮。

瀟瀟夜雨又連朝，展觸幽憂未肯消。
玉斝金罍宜暮齒，山邱華屋念同寮。
敲瓶露蘂迎眸艷，挂壁煙巒引興遙。
九十春光真浪擲，破愁今日得消搖。

移居詩

三年擇得一枝棲，皮墅東偏臨頓西。
脫綬乍欣依白社，卜鄰兼喜近花溪。
松風庭敞蒼濤迴，竹徑門幽碧蔭齊。
最是退閒心跡冷，勝書不乞達官題。

勞生織路不常居廣廈千間願總虛屏跡此心齊木石
安神無夢到軒輿南阡東陌遊非遠紙閣蘆簾意儘餘
莫笑腐儒家具少皂廚還有未看書

市遠坊閒戶不譁幽居原有淡生涯兒言仁里斯爲美
客笑書生是過奢著我東頭宜宴坐憶他作手未還家

擬與畏堂弟同居
故用陸機王維事戀

恩忍說巢痕埽奈此蕭疏鬢已華

巡檐徙倚眄庭柯鳩拙居然占一窠敢覬逍遙重闕館
不妨安樂襲名窩操饒初謝王承福種樹新延郭橐駝
幽興漸添秋漸爽退翁心事未蹉跎

題植桂藝蘭圖

種桂冀枝繁藝蘭竢花茂封殖固由人滋榮亦有候
忽懼失時助長又嫌驟卓哉達觀人冥心坐巖岫呼兒
勤耨鋤方法以口授不與穠艷馳不與紛華鬪禮耕與
學耨相期維世守佇看秋風生馨香滿襟袖

幽篁獨立圖

塵海收回自在身竹間水際有精神世間不少丹青手
腦滿從他寫市人

此君聞說能醫俗我俗而今不可醫安得小園栽萬本
與君並坐看風枝

題學耕圖爲王述縉

無田肯退豈非賢回首前塵廿二年記否橫街街鼓聒
與君讀畫話歸田

寫出雲山不療貧松廳潑墨氣輪囷知君欲學樊遲稼
卜宅何妨來結鄰

八月二十日芝巖招飲春暉草堂默齋有詩次

韻

夫君養志歸田里邀我常過城北莊竹屋松扉堪宴語
倒籬側弁又升堂池邊疏柳如人懶簾外繁花入酒香
不是遺榮能作達可容開徑有求羊

不上山塘載妓船相逢且醉桂花前能閒風月眞成主
並退江湖亦有緣却老故應求上藥尊生聊復閱瑤箋
道人磨得心如鏡肯向禪師更乞 𦉰

芝巖默齋皆深得養生之旨時論及

容成素女之術皆屏其非故及之

秋日偕東畬同年遊師林寺晤崑峯禪師茶話

移時越日東畬作師林圖并系以詩因次原

韻贈崑峯俾藏諸寺

西風蕩煩襟秋光集古寺東畬北郭居好尚不我異休
官喜同時探幽結微契但求魂夢安肯爲升斗計朝來
偶相過聯袂登初地層樓面松林虬枝舞蒼翠崑峯今

辨才宗風幸未墜禪門有廢興雲煙慨往事因諧翰墨
緣爲仿倪迂意林巒與水石一以臆布置固知磊落人
邱壑蟠胸次晴窗想揮毫話雨東畚作畫小樓名同清閣俯視
塵中人酸鹹信殊致寥寥橫幅間淡泊出奇麗持贈藏
山門他時緬古誼傳燈定有人昌歎倘同嗜逸事留珠
林風流庶無替

胡丹崖司馬席上晤泐湖山長祝芝塘知家蘭
垞侍御亦掌教南匯詩以寄懷

人到衰年念舊朋前塵回首憶曹騰石渠多少鳴珂侶
半作山房退院僧

客問出山之期口占答之

一蓑一笠一漁竿，排日清遊興未闌。
自揣頭顱量筋力，祇宜風月不宜官。

石湖謁范文穆公祠

巾幘曾聞慕遠夷，洞霄再領已衰遲。
早拌生死扶孱主，

却卷經綸入小詩。古渡放船懷病起，

公有病起出關傍漕河望楓橋橫塘

卽事詠景之作橫塘古渡橫塘橋勝題也

上方

山名

蠟屐想花時，湖光嵐翠猶

堪詠太息，何由操几隨。

送甄青圃比部同年歸粵

早拌筋力就虛名，肯染髭鬚事後生。
漸老要求歸宿地，

相逢轉益別離情
胥江波冷停征棹
庾嶺梅開算去程
到及羊城正東作
好從亞旅課春耕

題世恩姪秋帆歸興畫冊

玉堂歸娶艷神仙
放眼雲山分外妍
淡著粉痕濃蘸墨
更添佳話與人傳

湖天欲雪念衣單
坦率曾嗟行路難

甲午庚子雲浦弟
兩試京兆下第余

送至彰儀門贈詩有湖天欲
雪之句夢堂相國極爲歎賞

此日宮袍來視膳
故應置

膝爲加餐

天子呼來不上船
元臣諧語一時傳

己丑殿試進
呈十卷余名列第

七以得信遲誤引對後期後直內閣劉文
正公笑語同列曰是天子呼來不上船者

錦標奪得全

家喜振觸前塵廿五年

尙記含飴笑語春果然吉夢驗麒麟

姪誕前夕先大夫夢麟墮于庭取

置諸掌化爲嬰兒

傳家有訓宜深懷努力登

朝作寶臣

歲首山塘送汝行秋窗歸到話春明最慚黃閣調元老

猶記菰蘆退士名

己酉榜發畏堂弟書到云阿雲巖相公會詢近狀知兒世瑣膺鄉薦爲之

色喜今歲姪蘆唱日公詢問家世復提及賤名聞之不勝慚感

點筆仙舟語不凡青衫一例換朝衫

歸舟四人皆同榜同館阿婆

塗抹東西慣風利今真遜阿成

吳玉松庶常題詩撫及鄙人有順風何似竹林

咸之句故戲答之

余以道德經求匏雅書紙往而經遺于架匏雅

以詩徵經因藉使奉呈亦侑以詩兼索庭梅
以爲清供

欲將陳冊換新書側想臨池興有餘豈料元珠遺赤水
漫勞彩筆賁衡盧衝泥不許稽前諾染翰重煩賦子虛
却笑鄙人還望蜀蠟丸芳信問何如

東畬借讀爾雅先之以詩次韻

幽人結宇傍城灣閉戶遺編自討刪麤鼠早徵書笥富
蠹魚莫笑鬢毛斑一瓿借愜良朋願二事閒愁造物慳
放翁詩曰昏罷觀書足蹇停遊
山二事差可樂造物乃復慳
準約新年長日暖嬉春
拋卷步郊關

和徐復堂海棠巢詩韻

庭下三松露滴梢窗中日暖翠陰交常時閉戶還開卷
底事尋山更葺茅麟閣幾人餘鹿夢蓬廬有客戀雲坳
時賢莫訝林居久已向靈禽借隱巢

早起二首

早起吾何事晨光透碧紗焚香薰架帙添水養瓶花霧
徑蘭芽茁風軒竹影斜遙憐華省客鳩立聽宮鴉

謂畏堂

待漏思前事窗燈暗綠紗螭頭看月影龍尾踏霜
花蹇拙閒身在飛騰急景斜重衾聊自適臥聽出林鴉

讀宋史

王文正公

魚水君臣眷注深
誰教晚節易初心
一尊歸與妻孥享
朗朗天書下禁林

寇萊公

樓臺無地仰孤清
燭淚成堆忌滿盈
北客彈冠南士抑
相公界限太分明

范忠宣公

天窮人厄不須論
白首扁舟病獨存
爲語家人須信命
莫將墮水怨章惇

養拙

養拙辭朝侶幽居閱歲華物情風卷絮人事鼓催花役
役身將老憧憧念總差明朝約俟旅負耒問桑麻

沈葭濱輓詩

交君今十載相賞以天真冷面能諧俗虛懷慣受辛早
知輕世味誰遣老風塵倦客長安市多應憶此人

偕雲浦鄧尉探梅再用詩字韻

又是春山拄杖時吟香踏影憶抽思林泉跌宕吾將老
澗壑登臨弟肯隨古寺煙消晴雪滿小橋水暖午風吹
欲憑花史爲年譜歲首探芳例有詩

盆蘭二首

息交謝世慮索處神不怡間闕念素心何以慰我思香
風藹然來觀此絕世姿冰肌與玉質竟體無纖疵吟餘
煙景澄坐處清芬隨閒愁我已滌幽意人未知願言結
同心紉佩甯復辭

真香不可匿孤根貴善植嗟茲幽貞姿擢秀湘江側有
美本內含天然謝膏飾豈無桃李容相賞非在色未免
塵氛侵清風與拂拭九畹寬以閒移植不可得磁盆間
文石默默意掩抑猶勝老巖阿零落委荆棘

三月下澣三松堂小飲次韻

細雨輕寒送杪春濃陰如幄草如茵分無傾國娛人老

幸有名花照眼新

新得河南牡丹一本

入世求盈真自苦當杯引

滿莫辭頻相期其浴湯泉去不許襟留半點塵

芝巖有游黃山

之興故云

占得溪橋碧一灣客來蒿徑不教刪埽軒聊復陳三雅

閉戶何妨賦小山愛聽清談消白日暫憑濁酒借朱顏

故人潤筆無消息

用蔡君謨故人馬五許以精婢潤筆事

自笑摧頽鬢已

斑

三月廿九日過孫家橋訪呂修林山人遂同遊

中峯寺

武子橋邊碧樹陰畫船稀少有鳴禽言尋漱石餐霞侶

要聽高山流水音。世慮淡隨清磬遠。閒情笑指白雲深。
邀余更入中峯去。爲喚籃輿攜素琴。

偕修林山人過中峯寺訪念亭上人不遇

中峯昔未到。靜侶喜同登。竹密疑過雨。茶來知有僧。
客曾師賀若。吾自憶盧能。夏首期琴友。重遊興可乘。
是日聽修林山人彈靜觀吟并訂四月中約月池諸琴友同過

何亭喜晤雪舟禪師

老僧今退院。結宇傍青岑。已斷語言路。
雪舟能詩而不吟更無來去心。聞鐘晴翠合。呪鉢白雲深。
是日并遊聞鐘呪鉢二庵何似何

亭坐拈花契靜襟。
雪舟贈蘭三枝

題石門施少峯紀哀詩後

孝子有孺慕哀詞見性真因君手澤感使我淚痕新鬱
鬱咳蘭願匆匆石火身伯俞年七十何福尙娛親

范芝巖歸自茗溪以詩招飲和韻

入世誰能脫世氛幽人跡已遠人羣榴皮書自回翁贈

荻江仙壇降乩爲芝巖書楹帖筆法超勁有晉人風致

竹葉杯從東老分破械可

能持道筦忘機只擬養心君白衣蒼狗須臾事懶看紛
綸過眼雲

昨朝示我荻江詩勝境南茗引夢思灑脫真輪入社早
低徊自笑著鞭遲菰蘆煙裏蓬門掩桑柘陰中畫舫移

儼續清遊暑退後齋心未肯負前期

題汪訥庵水部亡姬楊芳卿畫海棠卷

仙姿已逐彩雲飄
畫裏芳魂不可招
想得小樓春睡起
一枝和露寫生綃

詠絮吟香又一時
數行淡墨誌相思
樂天老去風情減
坐對春光憶結之

蔣經齋種竹圖

我來个中庵三徑
絕塵俗旨哉昔人言
何可居無竹
雨過影生涼風微
葉有香知君三伏裏
夢已到瀟湘